



Juvikstølen Barnehage

Juvikstølen

5916 ISDALSTØ

Referanser:

Dykker:

Vår: 17/1728 - 18/3990

Saksbehandlar:

Astrid Namtvedt Sylta

syas@lindas.kommune.no

Dato:

09.02.2018

Rapport frå tilsyn i Juvikstølen barnehage 31.01.2018

Det er barnehagen / barnehageeigar som er målgruppa for tilsynsrapporten. Rapporten skal beskrive tema for tilsynet, formidle dei rettslege krava, kva vi har undersøkt, våre vurderingar og kva vi har konkludert med.

Tema for tilsynet

Det er gjennomført tilsyn med Juvikstølen barnehage der temaet var, sitat rammeplan:

- *Barnehagen skal fremje kommunikasjon og språk.*
- *Kommunikasjon, språk og tekst.*

Tilsynsmynde har vurdert om barnehagen har ei drift som er lovleg og forsvarleg i høve til Barnehagelova og forskrift. Under kapittel *Barnehagen skal fremje kommunikasjon og språk og Kommunikasjon, språk og tekst* i Rammeplanen, kjem det tydeleg fram kva barnehagen skal leggje til rette for i arbeidet med språk og kommunikasjon. Med utgangspunkt i dette har tilsynsmynde gjennomført tilsynet i Juvikstølen barnehage.

Før tilsynet vart gjennomført ba Lindås kommune om å få tilsendt fylgjande dokumentasjon:

- Barnehagen sin årsplan.
- Anna relevant dokumentasjon i høve til tema språk og kommunikasjon.
- Plan for implementering av ny rammeplan, fokus på språk og kommunikasjon.
- Kompetanseplanar.

Formålet med tilsyn/rettslege krav

§ 16. Tilsyn

Kommunen fører tilsyn med virksomheter etter denne lov. Kommunen kan gi pålegg om retting av uforsvarlige eller ulovlige forhold ved godkjente eller godkjenningspliktige virksomheter. Hvis fristen for å etterkomme pålegget ikke overholdes, eller hvis forholdet ikke lar seg rette, kan kommunen vedta tidsbegrenset eller varig stenging av virksomheten. Kommunens stengingsvedtak skal sendes fylkesmannen til orientering.

I stedet for eller i tillegg til stenging av virksomheten, kan kommunen bruke økonomiske reaksjoner overfor ikke-kommunale barnehager dersom krav etter § 14 a, eller forskrift i medhold av samme bestemmelse, ikke er overholdt.

Post

postmottak@lindas.kommune.no
Dokumentsenteret
Kvernhusmyrane 20, 5914 Isdalstø

Kontakt

www.lindas.kommune.no
Telefon +47 56 37 50 00
Telefaks +47 56 37 50 01

Konto 3201.05.89311
Org.nr. 935 084 733

DER DRAUMAR BLIR RØYNDOM



Vedtak om retting og stenging og vedtak om anvendelse av økonomiske reaksjonsmidler kan påklages til fylkesmannen.

Tilsynet er dei aktivitetar som kommunen utøver for å sikre seg at barnehagane vert drivne i høve til krav i Barnehagelova og forskrift. I tillegg til å kontrollere om lovverket vert følgd, er det eit tilsynsansvar å gjere faglege vurderingar og gje rettleiing. På nokre område gjev lova detaljerte føringar, medan det på andre område er ope for skjønn.

I tilsynsoppgåva ligg det at det skal førast kontroll med at barnehagane følgjer gjeldande regelverk, og at det vert gitt reaksjonar når ikkje krav vert oppfylte.

Rapporten omhandlar resultat frå tilsynet som var meldt 03.01.2018 og som var gjennomført 31.01.2018.

Gjennomføring av tilsynet

Tilsynet er gjennomført ved å hente inn og vurdere dokumentasjon. Det er også gjennomført synfaring i barnehagen og intervju / samtale etter oppsett plan.

Oversikt over personer som vart intervjuet i tilsynet :

Namn	Stilling
Henriette Engan Løvik	Foreldrerepresentant
Kelly C. Solheim	Fagarbeidar
Monica M. Sivertsen	Pedagogisk leiar
Christine Teigland	Styrar
Signe Eidsnes	Assistent

Tilsynet vart gjennomført av Astrid Namtvedt Sylta, Lindås kommune og Rita Valdersnes Amundsen, Radøy kommune.

Våre vurderingar

I tilsynsbesøket møtte tilsynsmyde representantar frå dei ulike yrkesgruppene i barnehagen. Mynde hadde også samtale med foreldrerepresentant. Gjennom samtalane fekk mynde oversikt over korleis det vert arbeidd med tema språk og kommunikasjon i barnehagen, og kva kompetanse som er i barnehagen. Mynde fekk og informasjon om korleis foreldre vurderer barnehagen.

Foreldrerepresentanten gav eit godt bilet av barnehagen. Ho hadde heller ikkje fått negative tilbakemeldingar frå andre foreldre. Barn og foreldre vert godt mottekte når dei kjem i barnehagen, og det er lav teskel for å kunne ta opp ting. Foreldre kan be om rettleiing hjå styrar, sa ho. Gjennom Vigilo får foreldre jamleg informasjon. Foreldrerepresentanten snakka varmt om Dialogisk lesing, og den måten barnehagen legg til rette for dette arbeidet. Vidare peika ho på kor viktig det er å ikkje vente for lenge visst barn treng hjelp med språket.

Språkarbeidet har stort fokus i Juvikstølen barnehage. Dette arbeidet vert sett i samanheng med den store DUÅ- satsinga som har vore i barnehagen gjennom mange år. Ei vidareføring av DUÅ- arbeidet er Dinosaurskulen, eit arbeidet som er retta mot førskulebarna. Fokus på leik står sentralt i Juvikstølen barnehage. Språket er viktig i alt arbeidet.

«Vi jobbar godt med språk, men har alltid eit forbettingspotensiale», sa styrar.

På alle avdelingane vert det arbeidd målretta med språk, tilpassa alder:

- Dialogisk lesing.
- Nyttar «Språksprell»
- Nyttar «Snakkepakken»
- Rim, regle og lagar eventyr
- Les ved maten
- Nyttar eventyrboksar
- Stort fokus på leik – nyttar litteratur som inspirasjon for å utvikle rolleleiken
- Nyttar metodar frå DUÅ – begrepscoaching og konfliktløysing
- Knyter saman DUÅ, fagområda og leik = språk
- «Badar» ungane i språk gjennom kvardagssituasjonar

Alle tilsynsmynde snakka med var positive til DUÅ, coaching, beskrivande kommentar og Dialogisk lesing!

I rammeplanen står det, sitat: «*Barnehagens digitale praksis skal bidra til barns lek, kreativitet og læring*».

Vidare står det, sitat: «*Personalet skal utøve digital dømmekraft når det gjelder informasjonssøk*».

Alle avdelingane har Iphad. Desse vert brukte til informasjonssøk, ein vaksen er alltid saman med barna. I samband med FORUT- aksjonen, og i samband med juleprogrammet *Jul i svingen*, fekk barna sjå små filmsnuttar. Dette var med å utvida rolleleiken.

Styrar i Juvikstølen gav uttrykk for at dei skulle ønskt at dei kunne jobba enno betre med Dialogisk lesing. Barn med særlege utfordringar i høve til språk, har stort utbytte av denne metoden. Vidare vart det sagt at det er mange prosjekt på gang i kommunen, og dette gjev mindre rom for eigne val i barnehagen. Styrar var tydeleg på at dei vil halde fast på, og vidareutvikle DUÅ og Dinosaurkulen. Målet bør vere å få jobba enno betre med Dialogisk lesing på alle avdelingane. I val av litteratur vart barnehagen tipsa om å bruke både klassikarar, men også nyare litteratur. Det er også viktig at bøker på nynorsk og bokmål er tilgjengeleg.

Konklusjon

Juvikstølen barnehage oppfylle krava i Rammeplanen i høve til arbeidet med språk, tekst og kommunikasjon.

Samsvar med Barnehagelova

Tilsynsnemnda har i tilsyn med Juvikstølen barnehage ikkje avdekka lovbroter.

Med helsing

Kristin Moe
kommunalsjef

Astrid Namtvedt Sylta
rådgjevar oppvekst

Dette dokumentet er elektronisk godkjent og har difor ingen signatur.

Mottakarar:

Juvikstølen Barnehage

Juvikstølen

5916

ISDALSTØ